

ԵՐԿՐԱԳՆԴԻ ԱՊԱԳԱՆ

(Русск. Вѣд. № 117, 1891 г., Н. С.-ի յօդաածի թարգմ. Մ. Տ.-Ա.)

Երկրագնդի ապագան—Երկրագնդի ցամաքը աւելի ու գործոնները—Ապագան է կե-
պտեղը՝ ցամաքի ծովից կրկնակի մասին—Նորա սխալ լինելը—Ապագայում ջուրն
է կորչելու երկրի երեսից—Երկրագնդի վերջնական աւելումը անխուսափելի է—
Մարդկային ոգու հաւանական յաղթանակը սարերի և ուժի դէմ:

Եթէ մարդուն չըջատատող աշխարհում կա՞ մի կանգուն, անդդուելի,
հաստատ, լուսալի բան,—այդ, ի հարկէ, նորա ոտի տակի երկիրն է: Գոնէ
ալպէս է կարծում ինքը մարդը. նա դարհուրում է և բոլորովին կորց-
նում իրան, երբ որ երկիրը սկսում է աատանել, չարժել (օր. երկրա-
չարժի ժամանակ): Բայց բանից դուրս է գալիս, որ մեր ալդ նեցուկը,—
հողը, որի կանգունութիւնից և հաստատութիւնիցն է կախած մեր գոյու-
թիւնը, նոյնպէս փոփոխական և անհիմն է, որպէս և ամեն ինչ աշխար-
հում: Մթնոլորտի ներգործութիւնից (անձրևից, ձիւնից և ալլն) բոլոր
բարձրութիւնները (բարձրալանդակները, լեռները) անընդհատաբար աւել-
ւում են և աստիճանաբար չքանում: Այս աւելման ամենագլխաւոր գոր-
ծոնը—ջուրը—անդադար քերում է բարձրալանդակների կմաղքը կազմող
լեռնալին զանգւածը (горная порода), անընդհատաբար լւանում է ժա-
ւերը, բարձրից ցած է տանում սարերի աւելումից գոյացած մեծ ու փոքր
կտորները և ալպէս հզօր կերպով օգնում է երկրի մակերևութի աւելի և
աւելի հարթւելուն: Որովհետև այս հարթացնող ուժը անընդհատաբար շա-
րունակում է իւր գործը ամբողջ ցամաքի վրայ, ի հարկէ, վերջ ի վերջոյ
ամբողջ ցամաքը պէտք է մի հարթ տափարակ դառնալ: Բացի ալդ,—
գետերը աւազի տիղմի, հողալին մասնիկների մի ահագին քանակութիւն
դուրս են տանում ցամաքից և ծովերի խորքն ածում. այս պատճառով
ցամաքի մասսան անընդհատաբար պակասում է ու պակասում: Համաքի
մասսալի պակասելուն օգնում է, ի միջի սլոց, և ինքը ծովը, քանդելով
անդադար իւր ափերը: Այս բոլորը իմանալուց չեսոյ ինքն ըստ ինքեան
հարց է առաջանում, թէ ինչ է վերջապէս սպասում այն ցամաքին, որի
վրայ մենք ապրում ենք. կու՞լ չի տալ, արդեօք, ժամանակով նորան ամ-

բողջովին ծովը, և մեր երկրադուռը արդեն ժամանակով չի ծածկել ամբողջովին ջրով: Այս հարցը վերջին ամիսներս զիտնական մասնագետների բանակուսի առարկալ դարձաւ, որի հետ կ'աշխատենք ծանօթացնել ընթերցողին:

Չորս ամիս առաջ, Պարիզի աշխարհագրական ընկերութեան Նիստերից մէկում լալտնի ֆրանսիացի երկրաբան Լապարանը երկրագնդի ապագայի մասին մի շատ հետաքրքիր զեկուցում կարդաց: Դատելու համար թէ ինչ ապագալ է սպասում երկրիս ցամաքին, հարկաւոր է ալդ ցամաքի մեծութեան չափն իմանալ: Մինչև վերջին տասնամեակս, ծովի մակերեսութից վեր գտնւող ցամաքի մասին մի փոքր ի շատէ ճիշդ կարծիք կադ մելու համար, շատ քիչ տեղեկութիւններ կալին զիտնականների ձեռքի տակ: Բալց ալս ամենավերջին ժամանակներս զանազան գիտնականներ (Մուրրէյ, Պէնկ, Տիլլօ և ալն) մէկը միւսից անկախ աշխատելով ալդ հարցի վրալ, ալն եզրակացութեանը եկան, որ եթէ բոլոր ցամաքի վրալ հողը միկնուլն հաստութիւնը ունենար, ցամաքի միջին բարձրութիւնը ծովի մակերեսութից 700 մէտրի (մէտրը մի գազաչափ է մօտաւորապէս, կամ մօտ 22½ վերշիկ) կը հասնէր: Եւ ալսպէս ուրեմն երկրիս ցամաքը կարող ենք մեզ ներկայացնել իբր ովկիանոսի մակերեսութից 700 մետր բարձրութիւն ունեցող մի հողալին շերտ: Ահա ալս ահադին հողալին մասսան պէտք է տլքի առաջ ունենանք, ցամաքը աւերող գործոնների մասին խօսելիս:

Շոտլանդացի գիտնական Մուրրէյի հաշւով, միմիալն երկրագնդիս ամենամեծ գետերը ամեն տարի ցամաքից ովկիանոս են տանում մօտաւորապէս 15,000 միլիոն խորանարդ մէտր աւազ, քար, զանազան աղեր և ալ հողալին պինդ մասնիկներ: Այս միալն 19 գլխաւոր գետերի ցամաքից ովկիանոսը տարածն է, ըալց եթէ հաշի առնենք և նոցա հասցրած ֆիասը ովկիանոսների ու ծովերի ցամաքին, որոնք ամեն տարի ողողում են իրանց ափերը, ալն ժամանակ պէտք է ենթադրենք, որ ամենապակասը երկրագնդիս ցամաքի ծաւալը, մասսան, ամեն տարի կորցնում է 16,000 միլիոն խորանարդ մէտր հող, աւազ և ալն:

Այս կորուստը, որ ինքն ըստ ինքեան շատ մեծ է երևում, մի շատ չնչին բան է երկրագնդիս ահագին ցամաքի համար: Ալդ ցամաքը, ինչպէս վերը ասացինք, կարող ենք մեզ ներկայացնել իբր 700 մէտր միջին հաստութիւն ունեցող մի շերտ, իսկ ալդ շերտի մակերեսութը լալտնի է, որ 146 միլիոն քառակուսի կիլոմէտր է (146,000,000,000,000 քառակուսի մէտր): Վերև բերած թւերը ձեռքի տակ ունենալով, դժւար չէ հաշիւը, որ երկրագնդիս ցամաքի ամեն տարալ կորուստը հաւասար է նորա միջին հաստութիւնից 0,15 միլիմէտր (մօտ մի մաղաչափ) պակասելուն: (Մանրամասնութիւնները բաց ենք թողնում): Սթէ ենթադրենք որ 700 մէտր հաստութիւն ունեցող շերտը տարե ցտարի պէտք է մի մի մաղաչափ բարականալ, կարելի է հաշիւ որ 4½ միլիոն տարուց լետոլ երկրա-

գնդիս ցամաքը բոլորովին պէտք է չքանալ: Ահա ինչ հետևանքի է դալիս Լապարանը Պարիզի աշխարհագրական Ընկերութեան նիստում իւր կարդացած, զեկուցման մէջ: Եթէ այս հետևանքը բոլորովին անսխալ էլ լինէր, ալեւու ամենալին ճամբհ համար միայն թէօրէտիքական նշանակութիւն կարող էր ունենալ: Եւ էլ Բենշ ուրիշ նշանակութիւն կարող էր ունենալ մեզ համար ալլքան հեռու ապագայից մեզ սպառնացող վտանգը:

Լապարանի բերած փաստերը և դատողութիւնները շատ հետաքրքիր և ուսանելի են. ալեւուամենալին ալլ փաստերից նորա դուրս բերած եզրակացութեան դէմ իսկոյն բողոքեցին շատ գիտնական մասնագէտներ: Այս վերջիններս պնդում են, թէ Լապարանը երկրադնդիս ապագան շատ միակողմանի (և ուրեմն սխալ) է լուսաբանել և վճռել: Բողոքողների բերած առարկութիւնները ալլքան ծանրակշիւ են, որ վերջապէս ինքը Լապարանը համաձայնեց նրանց հետ: Մենք ալստեղ համառօտաբար առաջ կը բերենք ընդդիմախօսութիւններից գլխաւորները:

Լապարանի դատողութիւնների միակողմանիութիւնը նրանումն է կալանում, որ նա հաշի է առնում բոլոր ցամաքն աւերող գործոնները, իսկ հակառակ ուղղութեամբ գործողները, բոլորն էլ անտես են առնւած: Ամենից առաջ կարելի է Լապարանի դէմ դարձնել նորա ի միջի ալլոց լիշած փաստերից մէկը. նա ասում է թէ ծովերի և ովկիանոսների ալլքաները ողողում ու տանում են իրանց ափերից մեծ քանակութեամբ հող. բալց հէնց ալլ նոյն ալլքները շատ տեղ ընդհակառակը հողի ու աւաղի ամբողջ բլուրներ են հաւաքում ափերի մօտ և ալլպիսով օգնում ցամաքի ընդլալնւելուն ի վնաս ծովի: Բացի ալլ,—գետերի բերած հող ու աւաղի մի նշանաւոր մասը նստում է հէնց գետերի բերանքից ոչ հեռու և ալլպիսով կղզիներ (դէլտաներ) առաջացնելով. նոյնպէս աւելացնում ցամաքի մակերևոյթը ի վնաս ծովի: Չի կարելի չը վիշել նոյնպէս, որ ծովիւրում բուստերի (ПОДПЛЕ) ամբողջ միւրիադներ աշխատում են իրանց հաստատուն շէնքերի կառուցման վրալ, որոնք նոր ու նոր կղզեակներ են կազմում և ալլպիսով աւելացնում ցամաքի մակերևոյթը:

Վերոլիշեալ փոքրիկ նկատողութիւններից լստոյ անցնենք Լապարանի ընդդիմախօսների ամենանշանաւոր ապացոյցին: Բոլոր երկրաբանները միաձայն պնդում են, թէ ովկիանոսները դարերի ընթացքում փոքրանում են և փոքրանում, մերկացնելով իրանց տակը գտնւած ցամաքը: Օրինակ՝ ապացուցւած է որ Միջին-Ասիան և Եւրոպալի մի նշանաւոր մասը ծովի հատակ են եղել: Հէնց ալլմ էլ, կարելի է ասել, մեր ալլքի առաջ շատ տեղ ծովի մակերևոյթը ցածանում է, մերկացնելով ցամաքը. օրինակ հիւսիսալին Սիբիրը, Կարմիր ծովի ափերը և ալլն, քիչ քիչ բարձրանում են ծովի մակերևոյթից: Եւ ալլպէս ուրեմն ովկիանոսը աստիճանաբար տեղ է տալիս ցամաքին, իսկ ինքը կրճատւում ու փոքրանում է: Ի՞նչ է սորա պատճառը և ուրէ գնում ովկիանոսի ջուրը: Նրկրիս կեղևի անթիւ ճեղքներից նա նիրս է ծծում

գէպի երկրիս կենտրոնը,—և որքան ժամանակի ընթացքում աւելի և աւելի է ցրտում երկրագնդիս ներսը, ալդ ցրտելու պատճառով, որքան աւելի և աւելի բազմանում և լաւնանում են երկրիս կեղևի ճեղքերը. այնքան աւելի և աւելի է հողը կլանում ովկիանոսի ջրերը, ¹⁾ որոնք երկրի խորքերում քիմիապէս միանում են պինդ մարմինների հետ (ալդ միացումից նոյնպէս պինդ մարմիններ են առաջանում, ալսպէս անւանած հիդրատներ, ջրատներ) և ուրեմն բոլորովին կորչում երկրիս համար իբրև ջուր։ Ահա ինչ է սպասում դեռ երկրիս երեսին մնացած ջրին. նա ամբողջապէս կուլ է գնալու երկրի խորքերում, ամբողջ երկիրը ցամաք թողնելով։ Այս վախճանը անխուսափելի է, համաձայն երկրի էտոլոցիայի ընթացքին։ Դորանում մեզ աւելի ևս համոզում են ուրիշ մոլորակների դրութիւնները։ Այսպէս՝ Վեներան, որի ովկիանոսները աւելի մեծ են մեր երկրի ովկիանոսներից, իւր զարգացման աստիճանով, երկրից ջահէլ է։ Մարսը երկրից ծեր է և նորա ջուրը աւելի ևս քիչ է։ Լուսինը, որ, իւր փոքր ծաւալի պատճառով, մոլորակալին էտոլոցիայի ճանապարհում Մարսիցն էլ է շատ ու շատ առաջ գնացել, ոչ միայն բոլորովին չորացել է, այլ մինչև անգամ նորան չրջապատող մթնոլորտն էլ է չքացել։ Ակներև է որ հեռու ապագայում նոյնն է վիճակւած և մեր երկրին։

Ուրեմն ոչ թէ ծովն է ժամանակով կլանելու ցամաքը, ինչպէս կարծում էր Լապարանը, այլ ընդհակառակը, ցամաքն է աւելի և աւելի ընդլայնւելու։ Եւ վերջապէս էլ ջուր չի մնալ երկրիս երեսին, եթէ վերջնականապէս չըքանալուց առաջ ալդ ջուրը չը սառչի բոլորովին և ալդայիսով խուսափի երկրի ներսը ծծւելուց կեղևի ճեղքերով։

Մեր երկրին, ինչպէս և միւս մոլորակներին, սպասում է միևնույն տխուր և անխուսափելի վիճակը։ Արևի ջերմութիւնը աստիճանաբար պակասելու է, ալդ պատճառով բնեռալին սառնամանիքը կ'սկսի տարածւել երկրի մակերևութի վրայ, բնեռներից հասարակածին (ալրեցեալ դոտի) մօտենալով, կենդանիներին և բոլսերը զէպի հասարակածը մղելով, մինչև որ վերջապէս ամբողջ երկրին կը տիրապետի սառնամանիքը։ Թէ ինչ է լինելու ալմնան ովկիանոսների ջուրը, դորա մասին արդէն վերը ասացինք։ Նորան հողը աստիճանաբար կլանում է, ուրեմն նորա չը սառած մասը ամբողջովին կլանւելու է։ Սղն էլ նոյնպէս, քիմիապէս աստիճանաբար միանալով հողի հետ, նոսրանալու է և վերջապէս կը չքանալ։ Երկրագունդը դեռ շատ դարեր դորանից չետոյ կը չարունակի իւր չրջանները անել տիեզերալին տարածութեան մէջ, բայց նա արդէն ներկայացնելու է աւերման, քաղաքման և

¹⁾ Ժամանակակից երկրաբանական գիտութիւնը մեծ մասամբ հրաբուխների պատճառը հէնց նորանով է բացատրում, որ ովկիանի ջրերը, ծծւելով վերայիշեալ ճեղքերից, երկրիս ներսում (այնպէս շերտը սաստիկ աաքութիւնից) գոլորշիանում են և իբրանց ահւելի ուժով հրաբուխների պատճառ դառնում։

անհետանալու դատապարտւած մի ցուրտ, մութ, մալլ ու մեռած մարմին, կորցնելով իւր ջուրը, չորանալով և միննուն ժամանակ իւր օդալին չափիկ կորցնելով—որոնց շնորհիւ ցերեկը նորա մակերևութի տաքանալը և գիշերը՝ ցրտելը ալժամ սաստիկ աստիճանաբար է կատարւում,—նա տաքի ու ցրտի արագ և լանկարծական փոփոխութիւնների է ենթարկւելու, նորա ոչինչով չը պաշտպանւած մակերևութը ցերեկով շիկացած արեից, գիշերւա սկիզբը լանկարծ անցնելով տիեզերալին ցուրտ տարածութիւնը շատ արագ կորցնելու է իւր ջերմութիւնը և ցրտանալու ենթարկւելով այս տեսակ անաստիճանաբար կատարուող ջերմալին (температурные изменения) փոփոխութիւնների, երկրագունդը բնականաբար աւելի և աւելի ճեղքճեղքւելու է։ Այդ ճեղքերը, որոնց նմանները ալժամ մենք տեսնում ենք լուսնի վրա. (ի հարկէ տեղեկոպի միջոցով), կը խորանան և կը լայնանան և վերջապէս երկրագունդը կտոր կտոր կ'անեն և կ'աւիրեն։ Այդ կտորները նոյն պատճառներից նպնայէս կտորների կը բաժանուին և վերջապէս կը փշրւեն և տիեզերալին փոշի կը դառնան։ Այս է ահա մեր երկրի վախճանը։

Իսկ երկրիս վրայ ապրող մարդկութիւնը, Միթէ՛ նա էլ տարերքի ուժին դոհ պիտի դնա՞, ոչնչանալ, դեռ երկրի ոչնչանալուց շատ առաջ,— որովհետեւ, ինչպէս վերը տեսանք, դեռ երկրագնդի վերջնական փշրւելուց շատ առաջ, նորա վրայ ապրելը անհար կը դառնալ։ Միթէ՛ նորա անդադար աշխատութիւններով և ահագին ջանքերով լիքը կեանքը ոչնչութիւնով պէտք է վերջանալ, չը նալած որ ալդ ահագին ջանքերը գործադրւում են տարերքի ուժը ուսումնասիրելու և սանձահարելու վրայ։ Միթէ՛ մարդու ողու բոլոր կարողութիւնը, նորա բոլոր հոգեկան ուժը, որ ալժամ էլ արդէն ահալին է և, անկասկած անսահման միծութեան է հասնելու նորա երկրիս վրայ ապրելիք միլիոնաւոր տալիների ընթացքում, միթէ՛ ալս լուրըր ոչնչանալու է դաաապարտւած։ Մեր ներքին զգացմունքը և մեր միտքը վճռականաբար բացասական պատասխան ևն տալիս ալդ հարցին, և մենք կարծում ենք, որ ալժմեան մարդկութիւնը մեզ նման պատասխանելու շատ լուրջ հիմք ունի։ Եւ իրօք, մարդկութիւնը արդէն այնքան փառաւոր սպացուցել է իւր հոգեկան կարողութիւնը և որ նա ընդունակ է հոգեպէս անսահման զարգանալ, ալդ մարդկութիւնը այնքան շատ բան է արել բնութեան ուսումնասիրութեան և նորա ուժերը սանձահարելու գործում, այնպիսի հսկայական քալիւրով է առաջ դնում մաաւոր դարդացման ճանապարհում, այնքան նոր նոր, մէկը միւսից ընդարձակ, հարկոններ են բացւում նորա մտաւոր հպկացքի առաջ, որ «անկարելի» խօսքը հէնց ալժամ ստիպւած ենք շատ զգուշութեամբ դործածել։ Երեկա «անկարելի» ալսօր կարելի է դառնում և իրագործւում,—ալս ճշմարտութեան մէջ մենք ալժամ ամեն քալլափոխում համոզւում ենք դրականապէս։ Իսկ եթէ՛ ալդ ալդպէս է ալժամ, երբ մեր միտքը, կարելի է ասել, դեռ հրեխալական դրութեան մէջ է դտնւում, եթէ՛ տղ ալդպէս է ալժամ, միթէ՛

մենք իրաւունք չ'ունենք ենթադրել. որ «անկարելի» բառը ժամանակով աւելի և աւելի կ'անհետանալ մարդկութեան բառարանից և մարդը վերջապէս հոգեկան կարողութեան մի անպիսի բարձրութեան կը հասնի, որ նրա համար արդէն զարհուրելի չի լինել տարերքի կոյր ուժը: Վերջացնելով այս խօսածը, աւելորդ չ'ենք համարում ակոսեղ մէջ բերել մի կտոր կոմբի նորերս լուս տեսած մի հետաքրքիր գրքից (Combes. Les civilisations animales):

«Եթէ մարդկութիւնը անկարող գտնւի հեռացնել իրանից տարերքի ուժերի ներգործութիւնը (որոնք երկիրը ոչնչացնել են ուզում) և երկրի նեղ սահմաններից դուրս գալ, այդ դէպքում ի հարկէ, նա (մարդկութիւնը) կը կորչի տիեզերապին ուժից, չը կարողանալով սանձահարել նորան: Բայց ամեն ինչ ստիպում է մեզ կարծել, որ դարերի մի երկար շարք ունի նա դեռ անցնելու (երկրիս վրայ) որ ապագայում կատարելիք մտաւոր առաջադիմութեան շնորհիւ, նա անց աստիճան կը տիրանալ այդ տիեզերապին ուժերի վրայ, որ կարող կը դառնալ, այդ ուժերից օգտուելով, ապրել և առանց արեւի տաքութեան և առանց մթնոլորդի օդի և առանց ջրի, եթէ այս վերջիններիս կարօտութիւն ունենալ» (Երես 191): Մեր անընթերցողներին, որոնք կ'ասեն թէ այս բոլորը անկարելի է, մինք միայն մի կարճ հարց կ'առաջարկենք. «ինչո՞ւ»: